

Na osnovu člana 64. stav 1. tačka a), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), a u vezi sa Rješenjem o prenosu ovlaštenja za provođenje postupka nabavke broj: 02-41-1-2016 od 20.01.2016. godine te na osnovu preporuke Komisije za nabavke, a po provedenom postupku za nabavku usluga putem otvorenog postupka, Rukovodilac službe-Pomoćnik Gradonačelnika za Službu za budžet i finansije, donosi

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za nabavke, te se ugovor za nabavku finansijskih usluga-usluge odobravanja kredita za finansiranje infrastrukturnih objekata u gradu Tuzla, dodjeljuje ponuđaču UNICREDIT BANK DD MOSTAR koji je dostavio svoju ponudu broj: 173/2016 od 04.03.2016. godine u kojoj je ponuđena nominalna kamatna stopa na godišnjem nivou od 3,50% i visina troškova obrade kredita 0,10%.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-14-604-2016 od 26.01.2016. godine. Postupak nabavke je proveden putem otvorenog postupka za koji je objavljeno obavještenje o nabavci broj: 1004-1-2-7-3-9/16 na Portalu javnih nabavki dana 26.01.2016. godine.

Postupak nabavke provela je Komisija za nabavke imenovana Rješenjem broj: 03-14-604-2016 od 26.01.2016. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 5(pet);
- da je blagovremeno zaprimljeno 5(pet) ponuda;
- da nije bilo neblagovremnih ponuda;
- da nije bilo neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom. Uvidom u priloženu dokumentaciju utvrđeno je da je ponuđač UNICREDIT BANK DD MOSTAR dostavio ponudu koja je osvojila najveći broj bodova prema kriteriju ekonomski najpovoljnije ponude, te je u skladu s tim odlučeno kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za budžet i finansije
Broj: 03-14-604-2016
Tuzla, 08.03.2016. godine**

**Rukovodilac službe-Pomoćnik Gradonačelnika
za Službu za budžet i finansije**

Suada Isaković, dipl.oec.